



**ANALIZA IZVRŠENJA BUDŽETA
KONKURENCIJSKOG VIJEĆA
BOSNE I HERCEGOVINE
ZA PERIOD 01.01. - 31.12.2024. GODINE**

I UVOD

Konkurencijsko vijeće je budžetska organizacija koja je uspostavljena Zakonom o konkurenciji («Službeni glasnik BiH» broj 30/01 od 18.12.2001. godine) i posluje kao mali budžetski korisnik pod organizacijskim kodom 0808, identifikacijski broj 4200932000001.

II / RAČUNOVODSTVENE POLITIKE

Finansijski izveštaj za period od 01.01.2024. do 31.12.2024. godine pripreman je u skladu sa članom. 14. i 22. Zakona o finansiranju institucija BiH („Službeni glasnik BiH“, br. 61/04,49/09, 42/12, 87/12 i 32/13) i sa Pravilnikom o finansijskom izvještavanju institucija Bosne i Hercegovine („Službeni glasnik BiH“ , broj 25/15)

Finansijski izveštaji su izraženi u konvertibilnim markama (KM), a sve transakcije u stranim valutama su izražene u KM po tečajevima Centralne banke Bosne i Hercegovine koji su važili na dan transakcije.

III / PRIHODI

Konkurencijsko vijeće ostvaruje prihode u skladu sa Zakonom o konkurenciji koji se uplaćuju na račun Ministarstva finansija i trezora BiH u skladu sa Instrukcijom o uplati administrativnih taksi.

Prihodi za posmatrani period se sastoje od:

- | | |
|---|----------------------|
| 1. Administrativnih taksi koje su naplaćene u iznosu od: | |
| 1.1. Prihodi od taksi na podneske kojima se traži mišljenje-kto722109 | 2.250,00 KM |
| 1.1. Takse tarifni broj 106- kto 722 583 | 44.757,73 KM |
| 1.2. Takse tarifni broj 107- kto 722 584 | 66.501,04 KM |
| 1.3. <u>Takse tarifni broj 108- kto 722 585</u> | <u>9.933,50 KM</u> |
| UKUPNO: | 123.442,27 KM |
| 2. Prihodi od kazni po odredbama Zakona o konkurenciji–kto 723 102 | 724.160,48 KM |
| 3. Prihodi od izdatih uvjerenja- kto 722 104 | 30,00 KM |
| 4. Ostali prihodi -kto 722 791 | 210,00 KM |

Konkurencijsko vijeće BiH je u periodu januar-decembar 2024. godine ostvarilo prihode u iznosu **od 847.842,75 KM.**

Uvidom u Knjigu kontrole uplata novčanih sredstava koje vodi Konkurencijsko vijeće BiH postoji razlika u iznosu evidentiranom u Glavnoj knjizi Konkurencijskog vijeća BiH. Na kontu 722 791 - Ostali prihodi, evidentiran je prihod u iznosu od 210,00 KM i na kontu 722 104-Prihod od izdatih uvjerenja u iznosu od 30,00 KM koji nisu prihodi Konkurencijskog vijeća BiH.

IV OBRAZLOŽENJE STRUKTURE RASHODA

Izveštaj o izvršenju budžeta za period od 01.01.-31.12.2024.god. sačinjen je u skladu sa odredbama člana 14. i člana 22. Zakona o finansiranju institucija Bosne i Hercegovine (Sl.list BiH br.61/04, 49/19, 42/12, 87/12 i 32/13), Pravilnika o finansijskom izvještavanju institucija BiH (Sl.glasnik BiH br. 25/15), te Instrukcijom za sačinjavanje godišnjeg izvještaja o izvršenju budžeta za period 01.01.-31.12.2024.god, br.05-02-2-95-1/25 od 06.01.2025.godine.

Budžet Konkurencijskog vijeća za 2024. godinu iznosi 1.726.000 KM. Izvršenje budžeta za period od 01.01.2024. do 31.12.2024. godine iznosi 1.657.301 KM i u odnosu na odobrena sredstva izvršenje je 96,0%.

Strukturu izdataka čine:

1. Bruto plate i naknade	1.341.563KM
2. Naknade troškova zaposlenih	202.361 KM
3. Putni troškovi	18.091 KM
4. Izdaci telefonski i poštanskih usluga	18.756 KM
5. Izdaci za energiju i komunalne usluge	600 KM
6. Nabavka materijala i sitnog inventara	4.647 KM
7. Izdaci za usluge prevoza i goriva	4.524 KM
8. Unajmljivanje imovine i opreme	5.408 KM
9. Izdaci za tekuće održavanje	12.699 KM
10. Izdaci za osiguranje i bankarske usluge	2.103 KM
11. Ugovorene i druge posebne usluge	25.634 KM
UKUPNO	1.657.301 KM

Bruto plate i naknade (6111)

Odobrena sredstva za bruto plate i naknade planirana su u skladu sa važećim propisima i politikom plata u institucijama BiH.

Utrošena sredstva u izvještajnom periodu iznose **1.341.588 KM**, od čega za neto plate i naknade **606.464,47 KM**, a za poreze i doprinose na plate i naknade **735.123,39 KM**.

Izvršenje ovih troškova je povećano u odnosu na izvršenje za 2023. godinu zbog povećanja koeficijenata prema Metodologiji za raspoređivanje zaposlenog unutar platnog razreda ("Službeni glasnik BiH" broj 76/20 od 22.10.2020.godine).

Na osnovu sprovedenog internog konkursa za pozicije šefa u Sarajevu i Mostaru, jedna državna službenica je raspoređena na upražnjeno radno mjesto Šef stručne službe u Sarajevu, a druga na upražnjeno mjesto Šef ureda u Mostaru, počev od 08.02.2024.godine. Na osnovu okončane konkursne procedure za prijem zaposlenika na naodređeno vrijeme, zaposlenica je stupila u radni odnos u Konkurencijsko vijeće dana 03.06.2024. godine. Imenovana je raspoređena na upražnjeno radno mjesto tehnički operater. Arijana Regoda Dražić, ranije stručna savjetnica Konkurencijskog vijeća proglašena je prekobrojnomo od strane Agencija za državnu službu počev od 14.12.2023. godine. Konkurencijsko vijeće je imalo obavezu isplate neto plate za

poziciju stručnog savjetnika do okončanja postupka koji provodi ADS. Rješenje o razrješenju imenovane doneseno je dana 14.06.2024. godine od strane ADS čime je prestala obaveza isplate neto plate. Na osnovu okončane konkursne procedure za prijem zaposlenika na naodređeno vrijeme, zaposlenica je stupila u radni odnos u Konkurencijsko vijeće dana 03.06.2024. godine. Imenovana je raspoređena na upražnjeno radno mjesto tehnički operater. Sve navedeno je imalo za posljedicu povećanje bruto plata i naknada u odnosu na 2023. godinu.

Izvršenje ovih troškova u istom izvještajnom periodu 2023. godine je u apsolutnom iznosu bilo **1.310.563,00 KM**.

Naknade troškova zaposlenih (6112)

Utrošena sredstva u izvještajnom periodu su **202.361 KM**, a čine **96,6%** od ukupno odobrenih sredstava na ekonomskoj kategoriji naknade troškova zaposlenih. Projekcija sredstava potrebnih za naknade troškova uposlenih u 2024. godini u skladu je sa odredbama Zakona i podzakonskih akata o platama i naknadama uposlenih u institucijama BiH.

Analitički prikaz ovih troškova:

- Naknade za prevoz sa posla i na posao	24.350,85 KM
- Naknade troškova smještaja dužnosnika	20.180,00 KM
- Naknade za odvojen život	10.916,68 KM
- Naknade za topli obrok tokom rada	49.530,00 KM
- Regres	11.250,00 KM
- Otpremnina	54.879,59 KM
- Jubilarne nagrade za stabilnost	3.927,00 KM
- Porezi i doprinosi na naknade	5.726,32 KM
- Doprinos za PIO	13.100,60 KM
- Doprinos za zdravstveno	7.353,79 KM
- Doprinos za nezaposlene	662,49 KM
- Doprinos za djeciju zastitu	1.200,46 KM

Strukturu ukupnih troškova najvećim dijelom odnosi se na stavku naknade za topli obrok tokom rada, naknade za prevoz sa posla i na posao i isplatu otpremnine. Isplata otpremnine je bila zaposlenom koji je stekao pravo na starosnu penziju, a jedna državna službenica je razriješena dužnosti zbog prekobrojnosti čime se stvorila zakonska obaveza za isplatu otpremnine imenovanj.

Izvršenje ovih troškova u istom izvještajnom periodu 2023. godine je u apsolutnom iznosu bilo **140.510,00 KM**.

Putni troškovi (6131)

Utrošena sredstva u izvještajnom periodu iznose **18.091 KM**, i ona čine **94,2 %** od ukupno odobrenih sredstava na ekonomskoj kategoriji putni troškovi.

Analitički prikaz ovih troškova:

- Troškovi prevoza u zemlji javnim sredstvima	166,20 KM
- Putovanje, lična vozila u zemlji	2.318,73 KM
- Troškovi dnevnica u zemlji	983,00 KM
- Troškovi smještaja za sl.put u zemlji	489,50 KM

- Putarina u zemlji	412,73	KM
- Ostali putni troškovi	124,90	KM
- Troškovi prevoza u inostranstvu javnim sredstvima	4.668,01	KM
- Troškovi smještaja za službena putovanja u inostranstvu	3.109,15	KM
- Troškovi dnevnica u inostranstvu	5.717,00	KM
- Putarina u inostranstvu	101,31	KM

Izvršenje ovih troškova u istom izvještajnom periodu 2023. godine je u apsolutnom iznosu bilo **18.989,11 KM**.

Izdaci za telefonske i poštanske usluge (6132)

Utrošena sredstva u izvještajnom periodu **iznose 18.756 KM**, a iznose **81,5%** od ukupno odobrenih sredstava na ekonomskoj kategoriji izdaci za telefonske i poštanske usluge.

Analitički prikaz ovih troškova:

- Izdaci za fiksne telefone	3.112,03	KM
- Izdaci za mobilne telefone	10.742,83	KM
- Izdaci za internet	2.630,46	KM
- Izdaci za poštanske	2.270,67	KM
-		

Sredstva planirana za ove izdatke su u skladu sa internom Odlukom i sa odobrenim budžetom.

Izvršenje ovih troškova u istom izvještajnom periodu 2023. godine je u apsolutnom iznosu bilo **19.525,38 KM**.

Izdaci za energiju i komunalne usluge (6133)

Utrošena sredstva za posmatrani period 2024. godine iznose **600 KM**. Odobrena sredstva na ovoj ekonomskoj kategoriji planirana su za usluge čišćenja u kancelariji u Banja Luci. Mjesečna naknada za čišćenje je 50 KM.

Analitički prikaz ovih troškova:

- Izdaci za usluge održavanja čistoće	600	KM
---------------------------------------	-----	----

Izvršenje ovih troškova u istom izvještajnom periodu 2023. godine je u apsolutnom iznosu bilo 600 KM.

Na ovoj stavci nema odstupanja.

Nabavka materijala (6134)

Utrošena sredstva u izvještajnom periodu iznose **4.647 KM**, a čine **92,9%** od ukupno odobrenih sredstava na ekonomskoj kategoriji nabavka materijala.

Analitički prikaz ovih troškova:

- Izdaci za obrasce i papir	909,68	KM
- Kancelarijski materijal	1.898,98	KM

- Izdaci za ostali administrativni materijal 891,00 KM
- Troškovi sitnog inventara 947,55 KM

Izvršenje ovih troškova u istom izvještajnom periodu 2023. godine je u apsolutnom iznosu bilo **5.765,30 KM**.

Izdaci za usluge prevoza i goriva (6135)

Utrošena sredstva u izvještajnom periodu su **4.524 KM** što čini 75,4% od ukupno odobrenih sredstava na ekonomskoj kategoriji izdaci za usluge prevoza i goriva.

Analitički prikaz ovih troškova:

- Benzin 4.165,86 KM
- Registracija motornih vozila 358,13 KM

Izvršenje ovih troškova u istom izvještajnom periodu 2023. godine je u apsolutnom iznosu bilo **1.853 KM**.

Iznajmljivanje imovine i opreme (6136)

Utrošena sredstva u izvještajnom periodu su **5.408 KM**, a čine **83,2%** od ukupno odobrenih sredstava na ekonomskoj kategoriji iznajmljivanje imovine i opreme. Odobrena sredstva na ovoj ekonomskoj kategoriji planirana su za plaćanje troškova zakupa za kancelariju u Banja Luci. Mjesečna naknada zakupa prostora iznosi 400,00 KM.

Također, odobrena sredstva na ovoj ekonomskoj kategoriji se odnose za plaćanje unajmljivanja printera od ovlaštene firme.

Analitički prikaz ovih troškova:

- Unajmljivanje prostora i zgrada 4.800 KM
- Unajmljivanje opreme 468,00 KM
- Unajmljivanje parking prostora 140,00 KM

Izvršenje ovih troškova u istom izvještajnom periodu 2023. godine je u apsolutnom iznosu bilo 4.800 KM.

Izdaci za tekuće održavanje (6137)

Utrošena sredstva u izvještajnom periodu su **12.699,08 KM**, a čine **88,2%** od ukupno odobrenih sredstava na ekonomskoj kategoriji izdaci za tekuće održavanje.

Analitički prikaz ovih troškova:

- Materijal za opravku i održavanje zgrade 6.850,50 KM
- Materijal za održ. opreme 659,50 KM
- Usluge opravki i održavanja vozila 496,50 KM
- Usluge opravki i održavanja opreme 1.285,77 KM
- Usluge opravki i održavanja vozila 532,31 KM
- Usluge pranja vozila 105,00 KM
- Ostale usluge tekućeg održavanja 2.709,22 KM

Izvršenje ovih troškova u istom izvještajnom periodu 2023. godine je u apsolutnom iznosu bilo **2.711,65 KM**.

Izdaci osiguranja i bankarskih usluga i usluga platnog prometa (6138)

Utrošena sredstva u izvještajnom periodu su **2.103 KM**, a čine **52,6%** od ukupno odobrenih sredstava za ekonomsku kategoriju izdaci osiguranja i bankarskih usluga i usluga platnog prometa.

Analitički prikaz ovih troškova:

- Osiguranje vozila	1.941,70 KM
- Osiguranje zaposlenih pri odlasku na službeni put	66,90 KM
- Izdaci bankarskih usluga	94,71 KM

Izvršenje ovih troškova u istom izvještajnom periodu 2023. godine je u apsolutnom iznosu bilo **2.659,36 KM**.

Ugovorene usluge (6139)

Utrošena sredstva u izvještajnom periodu su **25.634 KM**, a čine **78,6%** od ukupno odobrenih sredstava za ekonomsku kategoriju ugovorene usluge.

Analitički prikaz ovih troškova:

- Usluge javnog informisanja i odnosa sa javnošću	5.749,10 KM
- Usluge reprezentacije	5.720,20 KM
- Ostali izdaci za informisanje	240,00 KM
- Usluge stručnog obrazovanja	320,00 KM
- Troškovi vještačenja	300,00 KM
- Izdaci za rad komisija	300,00 KM
- Posebna naknada za zaštitu od prirodnih nesreća	2,25 KM
- Doprinosi za rad komisija	1290,13 KM
- Izdaci za porez na dohodak	371,51 KM
- Troškovi spora	6.402,15 KM
- Izdaci za usluge po osnovu ugovora o djelu	4.700,00 KM
- Izdaci za poreze na dohodak po osnovu ugovora o djelu	404,46 KM
- Posebna naknada za zašt.od nesreća	42,48 KM
- Doprinosi po osnovu ugovora o djelu	490,36 KM
- Protokolarni troškovi	462,20 KM

S obzirom da sistematizacijom Konkurencijskog vijeća nije planirano zapošljavanje osoba koje će obavljati poslove usluga čišćenja službenih prostorija, navedene usluge realizovane su na temelju ugovora o djelu. Na ovim poslovima angažovana je spoljna saradnica za obavljanje poslova održavanja čistoće poslovnih prostorija u Sarajevu po ugovoru u iznosu mjesečne naknade od 300 KM.

Izvršenje ovih troškova u istom izvještajnom periodu 2023. godine je u apsolutnom iznosu bilo **25.467,03**.

Pregled tekućih izdataka po analitici i zbirno za period 01.01.-31.12.2024. godine prikazan je u obrascima br.2- (analitika, sintetika)

V ANALIZA STALNIH SREDSTAVA

Konkurencijsko vijeće BiH je u 2024. godini za nabavku stalnih sredstava iz budžeta BiH imalo raspoloživo iznos od 22.800 KM . Izvršena je nabavka kompjuterske opreme u iznosu od 7.663,50 KM (7 računara), namještaja u iznosu od 10.991,56 KM (uredske stolice, uredski stolovi) i ugrađena oprema (klima za server sobu) u iznosu od 2.234,80 KM.

4. ANALIZA OBAVEZA

Obaveze prema dobavljačima iz 2023. godine izmirene su u cijelosti u 2024. budžetskoj godini. Sve stvarne, neizmirene, obaveze nastale iz redovnog poslovanja Konkurencijskog vijeća u periodu od 01.01.2024. do 31.12.2024. godine izmirene su do 25.01.2025. godine.

5. PROGRAM POSEBNIH NAMJENA

U Budžetu Konkurencijskog vijeća BiH za 2024. godinu nije bilo planiranih sredstava za Program posebnih namjena.

Broj: 07-16-1- 17-2 /25

Sarajevo, 24.02.2025. godine

Službenik za finansije

Anesa Fakić



Sukladno članku 22a. stavak (1) i članku 22. stavak (3) Zakona o financiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), u svojstvu rukovoditelja institucije Bosne i Hercegovine, ja Ivo Jerkić, predsjednik Konkurencijskog vijeća Bosne i Hercegovine, dostavljam slijedeću

I Z J A V U
o odgovornosti za ostvarivanje ciljeva
Konkurencijskog vijeća Bosne i Hercegovine

A) Ciljevi utvrđeni Programom rada Konkurencijskog vijeća Bosne i Hercegovine za 2024. godinu, donesenom od Predsjednika Konkurencijskog vijeća Bosne i Hercegovine i potvrđenog od Vijeća ministara Bosne i Hercegovine, na 39. sjednici, održanoj 14.02.2024. godine, ostvareni su kako slijedi:

R. b.	Glavni ciljevi utvrđeni programom rada	Procenat izvršenja
1.	Rješavanje u upravnim stvarima po zahtjevu stranke u postupcima utvrđivanja povrede iz člana 4., 5, i 10. Zakona o konkurenciji	41,67%
2.	Rješavanje u upravnim stvarima po Prijavi stranke u postupcima koncentracije po članu 12., 14., 16., i 18. Zakona o konkurenciji	70%
3.	Donošenje rješenja po zahtjevu stranke u vezi slobode pristupa informacijama	100%
4.	Davanje stručnih mišljenja i preporuka	95,45%
5.	Promocija i zaštita tržišne konkurencije	100%
6.	Pokretanje inicijative kod Ministarstva vanjske trgovine i ekonomskih odnosa BiH za izmjene i dopune Zakona o konkurenciji	0%
7.	Pravilnik o izmjenama i dopunama Pravilnika o unutrašnjoj sistematizaciji i organizaciji Konkurencijskog vijeća	100%

Obrazložiti razloge odstupanja:

Ostali predmeti zaprimljeni u toku 2024. godine su u postupku rješavanja i bit će okončani u skladu sa rokovima propisanim Zakonom o konkurenciji. Obzirom na specifičnost propisanih rokova za rješavanje predmeta iz oblasti konkurencije, predmeti zaprimljeni u jednoj kalendarskoj godini često se rješavaju u narednoj kalendarskoj godini, te statistički predstavljeni prikazuju smanjen postupak rješanih predmeta

Jedno mišljenje je postupku rješavanja u okviru zakonskih rokova.

U cilju usklađivanja sa zakonodavstvom Evropske Unije u oblasti prava i politike tržišne konkurencije, predsjednik Konkurencijskog vijeća BiH, rješenjem broj: 07-02-1-170-4/24 od 23.12.2024.godine, imenovao je unutar institucije, radnu grupu zaduženu za pripremu Inicijative za izmjene i dopune Zakona o konkurenciji („Sl.glasnik BiH“, br. 48/05, 76/07 i 80/09). Zadatak radne grupe je priprema inicijative, te analize pisanih prijedloga nužnih izmjena i dopuna važećeg teksta Zakona o konkurenciji, dostavljenih od strane državnih službenika i članova vijeća, uzimajući u obzir da je Ministarstvo vanjske trgovine i ekonomskih odnosa Bosne i Hercegovine, kao resorno ministarstvo, predlaže Zakona o konkurenciji.

Pravilnik o izmjenama i dopunama Pravilnika o unutrašnjoj sistematizaciji i organizaciji Konkurencijskog vijeća nakon provedene procedure utvrđene metodologijom o izradi propisa i nakon provedenih e-konsultacija upućen Vijeću ministara BiH dana 24.06.2024. godine aktom broj: 01-02-3-173-17/23, koji još uvijek nije bio predmet razmatranja od strane Vijeća ministara.

B) Sredstva odobrena proračunom za ostvarivanje utvrđenih ciljeva u ukupnom iznosu od 1.726.000,00 KM, a ukupno raspoloživa sredstava u proračunu Konkurencijskog vijeća Bosne i Hercegovine za 2024. godinu u iznosu od 1.726.000,00 KM, utrošena su namjenski, svrsishodno i zakonito prema slijedećoj strukturi:

R. b.	Rashodi	Raspoloživo u proračunu (KM)	Izvršeno (KM)
1.	Plate i naknade	1.591.500,00	1.543.949,00
2.	Materijalni troškovi	111.700,00	92.462,00
3.	Kapitalna ulaganja	22.800,00	20.890,00
UKUPNO:		1.726.000,00	1.657.301,00

Obrazložiti razloge odstupanja:

Izvršenje na ekonomskoj kategoriji plate i naknade za period januar-decembar 2024. godine je manje od planiranog, zbog toga što u toku 2024. godine nisu popunjena 3 upražnjena radna mjesta. Na stavci kapitalna ulaganja odobreno je 22.800 ,00 KM. U toku 2024. godine, proveden je postupak nabavke stalnih sredstava. Naime, nabavljena je kompjuterska oprema u iznosu od 7.663,00 KM , namještaj u iznosu od 10.991,56 KM i ugrađena oprema (klima za server sobu) u iznosu od 2.234,80 KM.

C) Sistem finansijskog upravljanja i kontrole u Konkurencijskom vijeću Bosne i Hercegovine uspostavljen je na ekonomičan, efikasan i učinkovit način sukladno poglavlju IVa.-Financijsko upravljanje i kontrola (čl. 33a. do 33i.) Zakona o financiranju institucija Bosne i Hercegovine, Standardima interne kontrole u institucijama Bosne i Hercegovine, Priručnikom za finansijsko upravljanje i kontrolu u institucijama Bosne i Hercegovine i ostalim podzakonskim aktima.

Preporuke i zaključci nadležnih institucija u vezi s uspostavom i razvitkom finansijskog upravljanja i kontrole realizirani su, kako slijedi:

R.b.	Preporuke/zaključci	Naziv preporuke/zaključka	Realizacija
1.	Realizacija preporuka Ureda za reviziju institucija BiH koje se odnose na uspostavu i razvitak sustava finansijskog upravljanja i kontrole i poduzete korektivne radnje	U 2024. godini zaprimljen je Izvještaj o obavljenoj finansijskoj reviziji za 2023. godinu, u kojem je istaknuta i preporuka koje Konkurencijsko vijeće treba da ispoštuje.	Realizovano. Preporuka se odnosila na proces istraživanja tržišta kako bi se na pouzdan način moglo utvrditi da je kroz kreiranje tehničkih karakteristika traženog vozila osigurana aktivna i pravična konkurencija. U vezi navedene preporuke Komisija za javne nabavke Konkurencijskog vijeća, će svakako uzeti u obzir ovu preporuku, mada se neće pokretati nabavka službenog vozila u narednom periodu.
2.	Realizacija zaključaka Vijeća ministara BiH koji se odnose na posljednje usvojeno godišnje konsolidirano izvješće o sustavu finansijskog upravljanja i kontrole u institucijama	Zadužuju se institucije Bosne i Hercegovine da nastave aktivnosti na uspostavi i razvoju sistema finansijskog upravljanja i kontrole, a posebno da realiziraju mjere i aktivnosti iz Operativnog godišnjeg akcionog plana za realizaciju za 2024 godinu; 2.Zadužuju se institucije Bosne i Hercegovine, koje nisu realizirale zaključke Vijeća ministara Bosne i Hercegovine u vezi s konsolidiranim izvještajima o sistemu finansijskog upravljanja i kontrole u institucijama Bosne i Hercegovine za prethodne godine, da nastave s aktivnostima na realizaciji donesenih zaključaka;	Realizovano. Doneseno je Rješenje o imenovanju radne grupe za FUK u Konkurencijskom vijeću broj: 08-50-6-131-1/24/ od 11.03.2024. godine kojim je također imenovan i koordinator Radne grupe. Donesen je Operativni Akcijski plan za razvoj sistema finansijskog upravljanja i kontrole (FUK) za

			2024. godinu broj: 08-50-6-131-2/24 od 12.09.2024 godine, Također usvojen je i Plan kontrolnih aktivnosti u Konkurencijskom vijeću za 2024. godinu od 08-50-6-131-2/24 od 12.9.2024. godine i isti je sproveden.
3.	Realizacija zaključaka Parlamentarne skupštine BiH koji se odnose na uspostavu i razvitak sustava finansijskog upravljanja i kontrole u institucijama BiH	Dom naroda Parlamentarne skupštine BiH zadužuje institucije BiH da svoje godišnje izvještaje o sistemu finansijskog upravljanja i kontrole u institucijama BiH dostavljaju bez kašnjenja CHJ MFiT BiH, najkasnije do 15. februara tekuće godine za prethodnu godinu. Institucije koje budu neopravdano kasnile s dostavom svojih izvještaja biće pozvane na saslušanje.	Realizovano. KV svake godine do određenog roka dostavlja godišnji izvještaj za CHJ. Radna grupa za FUK je u pripremi Godišnjeg izvještaja o sistemu finansijskog upravljanja i kontrole u Konkurencijskom vijeću za 2024. godinu i biće dostavljena u predviđenom roku, Softverska aplikacije PIFC zbog objektivnih razloga nije u funkciji do daljnjeg.
4.	Realizacija mjera i preporuka Središnje harmonizacijske jedinice Ministarstva financija i trezora BiH iz oblasti finansijskog upravljanja i kontrole u institucijama BiH	Na osnovu Operativnog godišnjeg Akcionog plana strategije razvoja sistema internih finansijskih kontrola u institucijama Bosne i Hercegovine za 2024. godinu donijeti Operativni Akcijski plan institucije	Realizovano. Dana 12.09.2024 godine donesen je Operativni Akcijski plan za razvoj sistema finansijskog upravljanja i kontrole (FUK) za 2024. godinu broj: 08-50-6-131-2/24;
5.	Realizacija mjera iz akcijskih planova institucije za prethodnu godinu a koji se odnose na sistem finansijskog upravljanja i kontrole	Operativni Akcijski plan je sadržavao više aktivnosti a koje su se odnosile na sistem FUK	Sve aktivnosti iz Operativnog Akcijskog plana se rješavaju u skladu sa zadanim rokovima. Po svim tačkama Operativnog Akcijskog plana podnesen je Izvještaj o provedbi istog od strane Radne grupe

			za FUK u januaru 2025. godine.
--	--	--	-----------------------------------

Obrazložiti razloge izostanka realizacije preporuka:

Sve preporuke su realizovane.

Predsjednik Konkurencijskog vijeća Bosne i Hercegovine

Ivo Jerkić

Broj:

Datum: .02.2025.

